



Synfocity = 843

mail us at : mzsynfo@gmail.com; mizoramsynod@gmail.com - Phone - 2314648

June 2, 2022

☐ **Kohhran Hmeichhe Rorel Inkhawm vawi II-na**

May 26, 2022 (Ningani) khan Mizoram Presbyterian Kohhran Hmeichhe Rorel Inkhawm vawi II-na chu Mission Veng Kohhran Biak Inah neih a ni. Rorel Inkhawm thupuih '*Sim ula, hawi kir leh rawh u'* (Tirhkohte 3:19) tih hman a ni.

Covid-19 hripui leng avangin kum dang angin Rorel Inkhawm hi neih theih a ni lova, Synod Executive Committee (SEC) thurel angin kuminah hian ni khat nilenga hun hman a ni. Rorel Inkhawm hi Inkhawmpui Lian Chairman Pu Sailuti'n a kaihruai a, kum 2023 Budget leh Project ruahmanna te, kum 2022-2023 Inkhawmpui Lian sum hmuhna leh hmanna tur ruahmanna te, kum 2023 Inkhawmpui Lian leh kum 2024 Rorel Inkhawm chungchang te ngaihtuah a ni a. Rorel Inkhawmah hian palai 332 (Bial aiawh - 211, Central Committee - 44, Synod Puipate - 3, Central KTP Palai - 2, Superintendent Hmangaihna In - 1, Superintendent Women Centre - 1, Hmeichhe Pathian thu zir chhuak Synod-a thawkte - 11, Pastor/Pro. Pastor - 1, Minister - Nil, Upa - 6 & Chhimtu - 52) an kal a ni.

Chawhnu lamah report hrang hrang General Secretary, Asst. Secretary leh Treasurer report te ngaihthlak a ni. Kristian Chhungkaw Dinmun tehna result (January - December 2021) puan a ni a, lawmman pakhatna hi a dawngtu pahnih awmin N.E. Khawdungsei Bial leh Phainuam Bial te an ni a, Synod Moderator Rev. Dr. Vanlalngbaka Ralte-in No Mawi a hlan a ni. Tun tumah hian Bial hrang hrang atanga lut agenda general 14 chhawpchuah a ni a, 2022 - 2023 budget pawm a ni.

Bial Chanchin Report Khaikhawmna (January - December 2021) :-

Kum 2021 chhunga Mizoram Presbyterian Kohhran Hmeichhe Inchiarnaah Pastor Bial leh Kohhran mal anga zawmtu 215 an awm a, report a lut kim vek thei a ni. Kum 2021 Report tlangpui hetiang a ni :

- | | |
|----------------------------|--|
| 1. Report lut zat Bial | : 210 |
| 2. Kohhran mal anga zawmtu | : 5 (Kolkata, Delhi, Bengaluru, Mumbai & Pune) |

Belhkhawm : 215

- | | |
|----------------------|-------|
| 3. Kohhran zat | : 901 |
| 4. Branch Church zat | : 73 |

Belhkhawm : 974

- | | |
|-------------------------------------|-----------------------|
| 5. Presbyterian hlang chhungkaw zat | : 1,11,180 |
| 6. Inawm pawlh chhungkaw zat | : 4,392 |
| 7. Chhungkua zawng zawng zat | : 1,15,572 |
| 8. Nitin chhung inkhawm nei zat | : 75,876 (65.65%) |
| 9. Buhfaiṭham tham ziah zat | : 1,13,644 (98.33%) |
| 10. Hmeichhe member zat | : 1,88,060 |
| 11. Kum 2020 aia member punna | : 4,138 |
| 12. Member tam berna Bial | : Champhai Vengthlang |
| 13. Member zat | : 2,869 |
| 14. Member tlem berna Bial | : Buarpui |
| 15. Member zat | : 40 |

16. Hmeichhe inkhawm nei thei vek Bial 178 an awm a, Bial 37 atanga inkhawm thei lo Kohhran/ Branch Church 73 an awm.

17. Kum 2021 chhunga buhfaiṭhama hmuh zat belhkhawm chu Kg. 1,12,51,818.100 grams a ni.

Thurel tlangpuite:

1) Kum 2023 Kohhran Hmeichhe Inkhawmpui Lian chu March 10 - 12, 2023 chhungin Darlawn Kohhranah ngah a ni a, kum 2024 Kohhran Hmeichhe Rorel Inkhawm chu Dawrpui Kohhran Biak Inah ngah a ni. Kum 2025 Kohhran Hmeichhe Inkhawmpui Lian chu Thenzawlah ngah a ni a, kum 2026 Kohhran Hmeichhe Rorel Inkhawm chu Champhai Vengthlang Kohhran Biak Inah ngah a ni a, kum 2027 Kohhran Hmeichhe Inkhawmpui Lian chu North Vanlaiphaiah ngah a ni.

- 2) Kum 2022-23 Inkhawmpui Lian Budget atan hetiang hian pawm a ni. Central Budget Rs. 15,00,000/-, Women Centre Rs. 27,00,000/- ; a vaim Rs. 42,00,000/-.
- 3) Kum 2022 thla thar tawngtairual thupuih 'Kum 2023-a inthlanpui (MLA Election) lo awm tur atan tih telh ni rawh se, tih chu Tawngtairual thupuih telh lovin mahni bial chhung kohhran theuhah hmalak ni rawh se tih a ni.
- 4) Kohhran Hmeichhe Committee-a awm turin kum 70 chin ni rawh se, tih chu Inkaihhraina buah kum bithliah a awm loh avangin 'Kohhran Hmeichhe Committee-a awm turin a theih chin chinah kum 70 aia upa lo ni rawh se' tiin her rem a ni a, Synod Executive Committee-ah thlen tura tih a ni.
- 5) Synod Hospital, Durtlang leh John Williams Hospital, Lunglei Charity Fund atan rampum huapin inkhawm tum khat thawhlawm pek ni rawh se, tih chu pawm a ni a, Central Committee lo bawhzui tura dah a ni.
- 6) Ram pum huapa awm ni khama tawngtai neih ni rawh se tih chu pawm a ni a, Central Committee lo bawhzui tura dah a ni.
- 7) Ram pum huap sual thupha chawi chawnghei tawngtai neih ni se tih chu kumin chawnghei tawngtai hunah Sual thupha chawi thupui hi telh ni se tih a ni.
- 8) Fa nei tam tura inzirtirna neih ni rawh se, tih chu pawm a ni a, Central Committee-in a tul anga lo bawhzui tura tih a ni.
- 9) Tunlai Social Media hrang hrangte hi a tha zawnga hman tangkai dan inzirtir ni rawh se, tih chu pawm a ni a, Central Committee-in ruahmanna lo siam rawh se tih a ni.
- 10) Ram pum huapin khawtlang nun siam thatna kawnga Hmeichhiate mawhphurhna tih booklet siam a, zir ni rawh se, tih chu Central Committee-in a tul anga lo bawhzui tura dah a ni.
- 11) Kohhran Hmeichhe Ni-a thu zir hi tawi fel deuha buatsaih ni rawh se.

☐ **Counselling Training kharna hun hmang**

Mizoram Synod, Family Guidance & Counselling Centre (FG&CC)-in Kohhran hruiatute puala May 19, 2022 atanga SMTC-a 'Church Leaders' Intensive Residential Pastoral Care & Counselling Training' Vawi 34-na a buatsaih chu May 30, 2022 (Thawhtanni) zan khan '*Final Evaluation & Graduation Service*' neiin khar a ni.

Training kharna hun hi Rev. Lalsangbera, FG&CC Director-in a kaihhruai a, Rev. V.L. Luaia Hranleh, Executive Secretary i/c FG&CC-in training chhuakte hnenah Certificate semin thuchah a sawi. He Counselling Training-ah hian Pastor Bial 10 atangin Kohhran aiawh 34 an tel a ni.

Training kharna inkhawmah hian Training chhuakte chuan an hlawkpui dan a lema an zia chu entirin an hrilhfiah a, Upa Thlengliana, Lunglei Bazar Veng chuan training chhuakte aiawhin thu a sawi a, Upa Vanlalliana, Com. Member, FG&CC chuan Training chhuakte a tawngtaisak a ni.

Thuchah sawitu, Executive Secretary Rev. V.L. Luaia Hranleh chuan "Lal Isua chuan Kohhran hruiatute hi kan mite hnenah ei tur pe turin min ti a. Chumi tur chuan kan theih tawp kan chhuah a ngai a ni. Harsatna leh buaina lo pung zel karah hian Kohhranhote tana malsawmna ni turin ke kan pen a ngai a ni," a ti a. Training chhuak tharte chu an thil zirte midang tana tangkai taka hmang zui turin a fuih a ni. FG&CC hian Pastoral Care & Counselling Training hi Pastor-te pualin vawi 28 buatsaih tawhin, Pastor 479 training a neihpui tawh a. Church Leader-te puala kum 2002 atanga training vawi 34 a neihpui tawhah Kohhran hruiatu 754 Training pek an ni tawh bawh a ni.

Synod hian Counselling Centre pakua (9) - Mission Veng, Bawngkawn, Vaivakawn, Champhai, Serchhip, Kolasib, Lunglei, Mamit leh Khawzawlah te a nei a. Heng Counselling Centre pakua-ah hian tun thlenga pantu (Client) an neih tawh zat chu mi 44,448 an ni.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Ramhlun	Vanduaina tawh	1	Rs. 20,000/-
2.	Rengtekawn	Damlo	1	Rs. 8,000/-
3.	Zawngin	Damlo	1	Rs. 8,000/-
4.	Darlawn Venghlun	Damlo	1	Rs. 8,000/-
			BELHKHAWM	Rs. 44,000/-

☐ **Synod Mission Board leh ram pawn chet velna**

◆ **Jharkhand Mission Field**

May 29, 2022 (Pathianni) khan ringthar 2 Lal Isua zui turin an inpe a. Roman Catholic aṅging mi 1 leh Santal Mission of Northern Church (SMNC) aṅging mi 4 kan Kohhranah anrawn inpe bawk.

◆ **Masihi Sangati hnuaia thawk tur la thar**

June 1, 2022 (Nilaini) khan Masihi Sangati Working Committee chuan Masihi Sangati hnuaia Evangelist hna thawk tur mi 8 a la thar a, a thawh hun chung hi June 1, 2022 aṅging December 31, 2022 thlang a ni ang.

- | | |
|---------------------------|---------------------|
| 1. Michael H. Lalremsanga | Bawngkawn East |
| 2. James C. Lalhmachhuana | Tuikual |
| 3. Lalnunhlina | Ramhlun North |
| 4. Jagadish Kalai | New Colony I, Saiha |
| 5. Baby Vanlalrengpuii | Republic Veng |
| 6. H. Vanneihsa | Tlabung Chawnpui |
| 7. H. Lalrinmawia | Durtlang Mel 5 |
| 8. Lalruatlawma | Saihapui K |

☐ **Synod Revival**

May 21 & 22 leh May 28 & 29, 2022 chung khan Operation Nehemia neiin Aizawl leh a chheh velah Revival Speaker-te group 10-ah inṅhenin mi 700 vel hnenah rawngbawlina an nei.

☐ **Pentikos Ni**

June 5 (Pathianni) hi Pentikos Ni a ni a. Pentikos tih awmzia hi 'Sawmngana' tihna a ni. Thuthlung Hluiah chuan Kalhlen Kut tiak ni aṅging ni sawmngana-ah an hmang ṅhin a. Thuthlung Thar hunah erawh chuan Isua Thawhle tuk (Easter) aṅging ni 50-naah hman a ni.

Pentikos Ni-ah hetiang hian thupui inang tlang zirho a ni ang:

Chawhma Inkhawm:

- Thupui : Tichaktu - Thlarau Thianghlim
 Chhiar túr : Ezekiel 37 : 1 - 14, Tirhkohte 3 : 1-10

Chawhnu Inkhawm:

- Thupui : Thlarauvah awm rawh u
 Chhiar túr : Johana 14:15-18, Galatia 5:16&17, 24&25

Zan Inkhawm:

- Thupui : Thlarau Thianghlim leh Kohhran
 Chhiar túr : Matthaia 16:13-20 ; Tirhkohte 4:32-35

Zan inkhawmah PCI Assembly puala thawhlawm lak khawm tur a ni ang a. Thawhlawm lak khawmte hi Chanchin ṅha hrilna atana hman ṅhin a ni. Thawhlawmte hi Form 'F' hmangin Bial Treasurer kal tlanga Synod Office-ah thehluh tur a ni. PCI Office, Shillong aṅging thuchah leh ṅawngṅai thupui an siam bawk. PCI General Assembly chuan kum 2022 Assembly pual ṅawngṅai thupui atan "**Hnam hrang hrang kara Kohhran rawngbawlina**" tih a thlang a ni.

☐ **Hruaina Eng FM Radio :**

JUNE 3, 2022 (Zirtawpni) (FM Zoawi - Aizawl & Lunglei @ 7:30 p.m.):

- Solo** : H. Lalhruaitluangi - Chatuan kawng eng
Zaipawl : Hnahlan Bial Zaipawl - Ka zai chhan
Thusawi : Upa DP Biakkhuma - Mizoram siamṅhat nan zirna
Solo : Elijah Lalrinawma - I ta ka ni
Zaipawl : Bungkawn Kohhran Zaipawl - Ka khualzin kawng

☐ **Susamachar Prasaran Programme :**

JUNE 5, 2022 (Pathianni) 5:00 pm. :

- Group/Choir/Solo** : Republic Veng Masihi Sangati - Prabhuki Prathana
Group/Choir/Solo : Soni Lalnunsangi - Sahara mujko
Sermon : Rev. P.C. Rohlira - Parmeswar Ke Samit Rahena
Group/Choir/Solo : Dawrpui Vengthar Pastor Bial - Kush par
Group/Choir/Solo : Aizawl Venglai Masihi Sangati - Balidan

☐ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

June 4 & 5, 2022 Khawruhlian Bial

June 7 - 9, 2022 SEC

Rev. C. Zoramawia : Senior Executive Secretary

Damlohna avangin In lamah enkawl a ni.

Rev. V.L. Luaia Hranleh : Executive Secretary

June 2 & 3, 2022 John Williams Hospital committee, Lunglei

June 7 - 9, 2022 SEC

June 5, 2022 Chawnpui Kohhran FG&CC programme

Rev. Dr. K. Lallawmzuala : Executive Secretary

June 7 - 9, 2022 SEC

June 10, 2022 PES programme, Mamit

MIZORAM CHRISTIAN COLLEGE ADMISSION

Kum 2022-2023 session atan Under Graduate course hrang hrangah admission hawn a ni e :

1. BA (English, Mizo, Political Science, Public Administration, Sociology)

2. B.Com

3. BBA

Admission form hi college - website www.mizoramchristiancollege.org-ah download theih a ni ang.

Hrechiang duh tan Phone No : 9612568456/8575948332/9612688838-ahte zawh fiah theih a ni e.

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni

Dil hun chhung : August 23, 2022 (Thawhlehi) tlai dar 3:00 thleng

Dil thei chin : Class VII passed, kum 16 chin, Kohhran dan chhunga awm

Interview : August 30, 2022 (Thawhlehi) chawhma dar 10:00

Class tan hun : September 6, 2022 (Thawhlehi)

Zir hun chhung : September - December, 2022

Hrechiang duh tan Phone No. **0389-2317343/8974613378**-ah zawhfiah theih a ni.

Sd/-

Rev. Lalrinsanga

Principal

Presbyterian Bible School

PCI ASSEMBLY PUAL TAWNGTAI RUAL THUPUI

Kum 2022 Assembly pual tawngtai thupui

"Hnam hrang hrang kara Kohhran rawngbawlna"

1. Mission & Evangelism changtu Administrative Secretary tan leh Committee member zawng zawngte tan.

2. PCI General Assembly hnuai missionary-te rawngbawl nain rah tha a chhuah zel theih nan. Thawktute leh an chhungte tan.

3. Dimasa Mission Project thar hmalakna tur atan.

4. Dimasa Mission Field Committee te tan leh an rawngbawl na tur Dima Hasao(North Cachar Hills) mipuite tan.

5. PCI hnuai Synod hrang hrang ten Chanchin Tha puandarh kawnga an hmalakna atan.

6. Covid 19 hripui in a nghawng zawng zawngte tan leh hri vei mekte tan.

7. Khawvel harsatna hrang hrang - hripui leng, indona, khuarel chhiatna leh innghirngona karah Pathian hnathawh a lo lan theih nan.